

湘綺樓日記

湘綺樓日記

光緒十八年壬辰

壬辰歲正月朔旦辛酉雨風晨起辨色率諸生五人

尹段陳
袁焦

禮先聖先師

湘水神俱斟酌古今禮設拜不上香

先聖再拜稽首先師明禮六叩還內拜

禩廟畢五生設酒果小坐朝食後沈子粹蕭禮卿父子程商霖兄弟來黃船芝來向夕乃閒還內攤錢鐙上即寢

二日陰不寒晨起宅門未開待久之乃入朝食於外齋船至楊家門口登岸昇過六家門從瀟湘門對岸過渡至衡州府清泉縣門通判劉門遂西至兩縣學門入大西門至都司協鎮門訪雋丞小酌少談循正街還到兵備府學門及程秦諸家而還唯北門賀家未去發家書由水師寄去從鹽丰渡湘還院賀郎彭佩芝楊斗垣來隆黃來未遇

三日晴楊伯琇蕭伯康秦子和陳子聲朱宗勝來始理字課聽認杜詩注

三女鬪牌紛爭唬號初睡未能料理父子異宮不宜問也得譚敬甫復書

四日晴煊換小毛衣猶汗浹胸背雋丞張訓導丁篤生陳郎澍霽高都司鄭贊侯來鄭曾至蜀半年竟未相見又曾在吳竹莊處相知聞年五十須白耳聾如六七十許人談詩莊以余爲櫟社之寄免不知者詬厲也又與袁爽秋王蒿菴相善亦喜繆小山而盛詆近日文衡諸公陳郎云壽衡病甚五更大風雷雨而不能寒

五日雨澍如春寄銀與雅南校譜稟登樓迎春看梅花課字食狸殘雞甚甘美夜聽蕉上雨聲居然似船背明燭賞之西禪二僧來請作佛會

六日雨寒丙寅申時立春依例迎福因令子女入學懿兒辭以日辰非吉荒唐不足誨也聽之而已寄家用與長婦餘附寄者遂至十金其奢如此五十年前借十金遂度歲兼充正月糧也

人日有雪楊慕李孫翼之來兒女讀書余昏昏睡去比醒已散去矣校之
廿年前真成兩代也

八日陰雨竟日督課講書頗能提振說易大牲亦有搜剔姚銘閣來包稅
更憶劉剛直投書時人定不可以禮化故撥亂先進野人知士大夫積
習之深也夜雨濃酣有助幽夢復煇竟夕未醒

九日雨更冥濛搜蔬茗送西禪寺助道場供設清坐無事竟無可作督課
如額復始學書菽講詩

十日晴午泛湘入城補賀年至四家俱未入出城赴西禪寺行香執爐隨
僧禮佛從來未行此禮劉通判沈子粹程商霖寄禪僧俱集以余齋設
初開經也劉自命老吏而語多俗法又別自一種抑塞之才使其得意
未知於王下何如夕散補課

十一日陰遣懿兒往行香諸女惟理字課辦襯僧線布適值空乏僅能每

僧供錢三百猶假之於傭婦布店更無紅布遠市求索爲難也

十二日陰遣復女送櫬去於彼法亦可謂應酬周到者蘭奢蘭奢自不可

少復曾竹林書

十三日雨未明有狂人登樓叫呼自起逐之倏然去矣還寢待旦起稍晏

朝食後正講書西禪二僧來偶出臨水還見新柳蔥然已黃作詩一首

霖雨新水澳汀洲歲華鮮桑柳忽蔥蘢初黃暖烟澹久爐方望雪含彩
預迎年霜霰儺再寒芳茗何遽妍人情貴初榮與物共欣然微風動地

氣遠先春至有早暮佳期安可設

十四日陰曾使求書去考生多來見者莪與小女戲偶諒之便拂衣睡去

余諸女皆傲很容之則不可責之則傷恩未知近代人皆然耶抑獨余

家有此也前七人皆未至此誠十年內失教之過

十五日雨諸生入賀節者十一人文擅湖來夕食甚甘師子來角觝諸女

出看余獨守屋上下然燭煑湯圓成糜令擇好者供薦禮

廟賀節已二更矣小坐烹茶月出朦朦已有春景童穉無足與嬉又多

爛漫睡去余亦還寢不賦詩請言詩巫醫皆南人本言巫醫富以醫人

十六日雨講易勿字畢攜盈孫至城入江南館官士十餘人為補慶六十

歲秦子和以喪不與會而衣冠待行禮先辭謝之並答謝文擅湖主人

先至者二程蕭楊伯琇清泉令楊斗垣丁篤生孫翼之沈子粹續至余

未出迎者文衡州子章劉通判心葵鄭贊侯高都司葆吾後至者儁丞

隆兵備丁星五余與擅湖共三席亦有笙笛猶愈於省城大雨水尺餘

夜還如客行江湖野興寥曠子粹贈詩卽和二首試燈風過綺筵新高會湘東盛主賓旗鼓

論詩錄論酒管弦催雨為催春昇平坐鎮清南服文雅同僚接檣紳更喜曲終闌白雪朱輪畫舫共遠巡(缺)依稀錦宴月溶溶新裁桐樹將

鳴鳳舊種松枝已化龍一臥東山理絲竹偶窺春
幙對芙蓉十年彈指吾衰矣輸與灑湖酒味醜

十七日陰晏起講書勿字莪女無會心尙不及滋略愈窳耳今乃知之丁

生來入學衣冠見之舟至大馬頭昇往道署諸客畢至設二席陳丁魏

蕭二程二楊朱共十客一主散稍遲至院皆睡去惟嫗婦相待外一僮
耳午月照窗明鐙獨坐

十八日朝雨晨陰食後出看馮絜卿問江南官事還講書已夕矣切字一
百不辨筆畫然燭畢課入講詩草蟲教婦順亦非以順爲正以禮爲順
也孟子引昏禮而曰妾婦之道謬矣幼卽疑之未暇指摘耳說易或承
之差及論語不占而已皆有疑易無以差爲辱者又何以云不占疑承
差仍當用否爻義言或以僞爲差也禮有常典僞者俎實實者豆實今
或以承爲差是爲不占言助祭者賤不待占也占卜古爲一字說文占
視兆問也卜以問疑也一字誤分明矣書占疑或作稽疑今文誤以
卜有占字而殊之不言不卜者卜主於人占主於鬼神也人而無恆則
不待卜不卜則鬼亦不知也語言作巫醫者南人本言巫醫當以恆人
爲之後改爲卜筮故記曰古之遺言或曰占口在下卜口在旁用口在

外三者爲指事字用从卜中非也當作申卽中字後分二耳然卜在口內無義得沈萱甫書

十九日雨寒課讀一日頗似初在石門時絜卿來留坐看新樓並入室談李桂林孫來見陳氏外孫也頗有外家風無李氏蠻氣當可成也召匠檢漏因開左門占書壁宿值日開門大利當生英賢恰合書院之祥無心巧合必有驗也

廿日寒雨督課竟日說旅傳終莫之聞扞格未通夜乃悟焉旅人喪牛無人肯告故莫聞也

廿一日辛巳雨水雨寒

廿二日晴陰始有春意陳孫石次子來及李桂林孫俱入內齋受業蕭鶴祥之父來傲然自得鄉中腳色也說壹發爲耦隨君大夫射貴侯前君射三侯爲優尊者後士射三侯爲優賢者大有經義前思所未及也檢

禮經多被人借去不知誰某所謂借書一癡者鄭衡陽送詩來押韻穩
妥大似張粵卿

廿三日晴得常晴生書並送壽禮羅榮來求薦館近日諸生皆沿門託鉢
者士風不振可爲一嘆和鄭老湛二詩所謂押韻而已檢日記誤少一
日廿一日猶未霽雨中無事忘記一日也小女字課不誤余固未信得
鄭湛侯書乃知之夜雨

廿四日晴煊復書晴生春氣驟發草木皆欣欣有花葉之意檢爾雅釋草
篇重校改之

廿五日昨夜雷雨驟寒竟日雨晦不復能行游講讀如額

廿六日雨寒有小雹久閒游惰重鈔補詩箋一葉金蓮僧偕寄禪來捐船
爲移監院詳府取之

廿七日雨鈔書課讀猶有閒日得張文心書爲孺人作一小傳非常人情

也又寄悼亡詩來求作妻志殊無新穎可記者新田文若火來見道臺
請閱卷者懿講離騷畢

廿八日雨改由房舊說駁房中樂以爲非典正攷索間兒來云滋女輿
兒均至矣院生方送禮爲余補祝兒女均至可喜也滋在黃家甚不安
留依爲宜尤免紛紜秦蓉臣來內外喧騰常壻來璫侍姑疾不至

廿九日陰諸生入賀者十五人外客有彭黃皆謝未見設湯餅三筵內外
家人二席朝食後又喫麪三盃院生補到者三人又出見之竟日停課
二月庚寅朔雨講課畢出謝客已晡矣秦子和來催客自湘東還船赴之
朱從九容臣沈子粹程商霖俱先在戌初散還諸人俱倦寐欲坐無可
坐乃出鈔書一葉與功兒略話卽寢半寐忽醒殘鐙猶明復起少坐膠
曾滌丈云收恤左孟辛之子云已流落不堪談話分明增人感愴

二日陰子和來督課早畢鈔書二葉講北門有疑焉王事適我必非泛言

蓋亦衛朔之事出北門者廿五年會燕伐周入自外者入國王事蓋謂
四年立黔牟立八年出十三年矣政事則未知何指僞丞召功兒食並
及輿兒冒雨而往

三日晴方入內講書偶出遇程楊俱過功兒者出談頃之去功兒校詩箋
本余亦欲通校改未暇也

四日晴鈔王風畢計每日可二葉未爲懶也陳復心偕其弟師彭政欽字
肅齋來兩湖院生不及陳也陳問學甚殷似有悟者

五日晴南風大煊豫飭酌事山茶一朵同心僞丞來衣冠答訪功兒老輩
過謙余不能也夜大風復寒

六日大風陰寒課讀半工功兒率兩弟至西禪寺楊家催客往則絜卿僞
丞先在程楊後至夜雨如酥步泥還船功兒尙未還將睡復歸小坐寢
七日丙申驚蟄雨家人庇具余齋內寢停課一日唯寫詩二葉夜分乃寢

八日丁酉祔祭

行禰以顯嬪祫案古禮婦人不合食於今情事未宜故設位而祝不稱
亡於禮之禮也午初始行事未初餽乃朝食未覺飢倦兒女俱與執事
又依今禮不與於獻哺後小女孫輩看壽佛道場云有煙火衡俗所重
也大晴甚寒燎火以溫夜月如雪

九日陰朝課未畢絮卿來談本約今日竟日談爲設麪飯要二楊八踞蕭
禮卿商霖同集陸續來已夕矣散猶未夜

十日陰夕雨雷復常課早畢欲作雜文未決也鈔詩二葉

十一日陰雨甚寒常堵要伯琇同來小坐去課讀如額鈔詩一葉

十二日晴仍寒鈔詩一葉作書與景韓遺輿兒往學習世事寫字三張

十三日陰常寄鴻段懷堂來課讀無暇僅而後畢莪生日未講書兩兒今

日當去以閉日改期二日寄字五六紙

十四日雨風甚寒切字課未畢襖被放船答訪孫翼之沈子粹至僑丞處
會飲楊慕李蕭理卿劉小峰寄鴻同集待久矣席散與陳郎復心小坐
僑丞同往程家餽慶春甫母八六生日還船宿夜雨

十五日雨寒午後小雪曾介石來談晨至程家祝壽賓客雜至云設五十
席余在內坐待僑丞至乃設湯餅王魯峰段懷堂袁海平同坐還舟將
至東洲兩兒船已發相遇便令卽去金蓮僧來言訟事謝令亟去

十六日雨

先府君忌日素食獨居郭見郎沈萱甫從長沙來不能不見已而二程
來謝黃德來拜壽秦郎子和來看萱甫皆入談且留飯非特衝破忌日
乃更熱鬧於平時無可如何也申初設薦酉正子和去郭沈同宿對房
郭報翰仙陸恆齋之喪

十七日雨寒沈發隱辭去艾刻工送譜來校未畢文太尊送詩來與書謝

之並與衡令書薦沈生陳復新來留居客房不肯卽襍被其甥楊諸生皆往應考也諸女暫入內齋並糊樓窗令滋女時坐其間不恆與婢媪爲緣以洗浴陋王傭欲蠶織余嘉其意將求蠶子與之

十八日愈寒雨愈細如塵稍理女課文太尊贈壽詩沈萱甫催薦館愵愵復之鈔詩一葉改定青衿往來之義勿字講書燎火始能列坐然不似冬寒尙能作字

十九日戊申社日雨陪客稍暇閒入督課精神不甚相屬聊應故事耳送米人索錢竟無以應借阮郎十千應付復爲富有

廿日寒雨稍聞瀟瀟猶非春澍作書應見郎之求以干鄂藩並致撫部恐無益也午後客去復心亦辭暫歸夜暇和文衡州二詩陳芳畹又專足來亦作書復之諒其苦衷存吾交誼前怒殊不必也

南嶽雲開五馬春
新分銅虎下丹宸

文章舊掌芝泥檢政化錄符葛浦神阜蓋
麟笙歌不爲邀頭宴待向東膠問理人
尊臨流輝畫鶴朱輪飛轆駕和

武城茲樂職待他年春來莫訝花開早爲奏雲璈集衆仙雅

廿一日庚戌春分雨雪時見日晏起傭嫗猶眠午前復晴新燕參差登樓
看水夕步洲旁訪桃花猶未及院中盛開柁亦未芽春已半矣鈔詩一

卷成課讀如額

廿二日雨寒鈔詩齊風起本欲仍舊以抽補反廢前功不如作清本得二
分也程生招陪僑丞躲生雨未能去遣李孫往要之

廿三日雨濛濛鈔詩一葉將入城賀僑生日保之來及其第八子子新同
至留談一日清言娓娓亦復可聽但不容他人說一句又非小時爭閒
事之比凡人老大學成卽有此敵我自謂不好奉承又未知比馬士英
何如晡後入城至倉頡祠僑丞避客於此馮絜卿程楊俱在又一躲生
法也麪至辭還招保之父子同食夜談至更初辭去余未登舟舟小人

衆徒爲擾耳夜作二詩

老年渾不怯春寒清館孤眠炬乾恩遇許知
歸隱樂舊助閒當史書看五州珍膳供甘旨三

散熱燭雨春寒滿川陸登樓無所思
好客來不速沉陰誰與開
子餘汀洲
鬱新柳綠復妍輕波暗相蹴既欣
玄理暢共樂清言寂還舟更孤
酌掩扉遙望燭咫尺復分巒千里
如在目涉江多采芳榮阿獨寤宿
湘漢春
草同馳思
向晴旭

廿四日雨晨起看鄧船猶未開陳傭女附舟去將分付進止皆尙未起頃
之去已發矣樊衡陽來久談登樓客去始理功課鈔詩二葉

廿五日陰急督學課防有客至未幾雋丞果來久坐乃去
切字畢已過哺矣鈔詩一葉夜再磕睡起視尙餘數行字未了又補成一葉迎醫治外
孫耳疾兼治真吻乃欲服湯藥笑而已之

廿六日陰晴桃李並開乃督課無暇出游午後乃攜四小女渡湘小步天
濛濛欲雨鈔詩三葉懿講易畢

廿七日陰四僧一令來遂費半日新清泉劉榆生字星白丙戌進士人似
樸實鈔詩三葉懿始講書諸女切字未畢已暮夜乃畢之雨瀟瀟至曉

廿八日雨竟日石鼓館師胡鎮北來字敬侯壬戌舉人官教諭十餘年矣
道署送課卷來百七十四卷晨起爲繙閱一過午後始畢兒女並未暇
課秦容臣來請客冒雨舟行僑丞丁秦朱程同坐云張聯桂得桂撫唐
硯農黔臬矣政府拔俊秀於外臺殊不知其何取蓋以正途未便索錢
耳夕還夜至衣履盡濡夜早眠三更後覺展轉不寐

廿九日雨竟日湘水驟漲夜寒欲雪作文心妻墓志成文格不高揮灑如
意甚自得意再鈔視之平平耳與書文心誇之兒女課早畢登樓夜坐
二日未鈔經難於補足矣

三月己未朔晴朝食後切字畢昇至東岸答訪黃總兵卽至馮家壑卿方
陳設花木看畫冊有王曉霞董友善山水花卉數十葉云甘肅名家又
有趙千里阿房宮圖董思白字冊待至日昃僑丞程丁楊續至懿兒侍
坐酉正散泝湘還水盛漲行半時許得一人助榜乃至夜雨